

**MARKING SCHEME**  
**SUBJECT: MIZO (098)**  
**CLASS: X**  
**SESSION: 2023-24**

1.
  - i) B. Thu emaw, thiltih emaw, hun danga ngaihtuah nawm leh tura tih.
  - ii) A. Mi pawih khawih palh emaw, thil tisual palh.
  - iii) D. Tul vang pawh ni lem lova mi han biak vel hi.
  - iv) C. Mi tha, mi vantlang chung
  - v) A. Ramhnuai chinchang hria leh ram lam thila zei leh fel.
  
2.
  - i) C. rula raw neih
  - ii) A. thlasik mau puah
  - iii) D. thu haw lam leh kal lam
  - iv) B. veh bur khawn
  - v) A. zuang lang
  
3.
  - i) C. Vankhama
  - ii) A. Loneitute nen
  - iii) D. Khaw danga pasal nei
  - iv) B. Zu bel sawina
  - v) C. In chhung khawsak rel zawng zawng sawina.
  
4.
  - i) A. Thawk lova awm a, faisa rin der der.
  - ii) C. Nungcha thata suat thintute.
  - iii) B. Thiante thuruk mi dang bulah an sawi chhuak thin.
  - iv) D. Hun nen inlaichinna nei tlata kan inhriat vang a ni.
  - v) A. George Herbert
  
5.
  - i) An ina thlen rawn dilte chu tha takin an lo dawngsawng a, pawnthuah an neih loh chuan an ngaihtuahsak a, ei leh inah pawh an theih ang angin an ngaihtuah a. An chhuah leh dawnah pawh tha takin an thlah thin.
  
  - ii) Upate chuan ei leh bar tur kawnga mi dangte huphurh tlat thin hian malsawmna an dawng ngai lo niin an hria a. An khuaa mikhual lo kal, thlen rawn dilte lo thleng tha duh lo khua chuan buh leh bar an thar tha thei lo tih an sawina niin a lang.
  
  - iii) Hmanlaia khaw dang chanchin an hriatna hnar ber chu khaw dang mi, an khuaa rawn zinte atang leh khaw danga an zinnaa an thu hriatte atangin a ni ber.
  
  - iv) Hmanlaia an thu hriatna hnar ber chu mikhualte an ni a. Mikhualin chiang vak lova a hriat a sawi chhawn kha thu tak emaw tiin an sawi chhawng ve zel a, a lo punlun chho zel thin a. Chu chu “Khual thuthang leh ar pan chuk a pun” tih tawngkam lo chhuahna a ni.
  
  - v)
    - a. A chhangtuin a duh angin a ziak thei.
    - b. A chhangtuin a duh angin a chhang thei.

6. i) In hunchhan chu a chhah tha hle mai/ a chhangtu duh dan Heta i hun chhan hi han sawi teh/ a chhangtu duh dan
- ii) Mawii te nen chuan chhungkhat kan ni a/ a chhangtu duh dan Belah hian tui lo chung khat teh aw/ a chhangtu duh dan
7. i) Hmun i phiah zawhah chhuat i nawt nghal dawn nia.
- ii) I thianpa chu a sang hle mai, a san zawng i hria em?
- iii) Tunlaih sa kah ching kan ngaisang tawh lo.
8. i) Ka pa chuan doctor damdawi chawh chu a ngeih khawp mai.
- ii) Mawii chu nichin lawk khan a kal chhuak.
- iii) In i thlen veleh inbual nghal ang che.
9. i) He hla thu tarlan hi ‘Ram Hmangaihna Hla’ R.L.Kamlala phuah, Pawl sawm Mizo zirlaibu, Tlawng atanga lak chhuah a ni.  
He hla hi Pathian hmangaihna avanga hmun kilkhawr leh biru taka awm, Mizorama Chanchin Tha a rawn thlen thu leh, kawng tinrenga nun a inthlak danglam thu leh Pathianin chawimawi a phu thu tarlanna hla a ni.  
Hla thu tarlanah hian hla phuahtu hian Mizo thawnthua Liandova te unauvin Lal ropui Lersia an thlen avanga an vannei ta ang mai khan Mizoram chu Van Lalber thenna a nih avanga kan vanneih thu a tarlang a ni.
- OR
- ii) He hla thu hi Zirtu Kawng tih hla, Selet Thanga phuah, Class X Mizo zirlaibu, Tlawng atanga lak chhuah a ni a, Chang thumna a ni.  
He hla hi zirlaite fuihna hla a ni a. Zirlaite chu loneitute nen tehkhinin, loneitu tan hlawhtling tur chuan ni tin rim taka hnathawh a ngai ang bawkin zirlaite pawh hlawhtling tur chuan ni tin thahnemngai taka zir a ngaih thu a sawi a ni.  
He chang tarlanah hian hla phuahtu hian a tir atanga a indawt zela zir chuan tu tan mah a har lo va, bul tan that loh erawh a pawh thu sawiin ni tina rim taka hma kan lak zel chuan kum tawpah rah duhawm tak seng tur a awm thin a ni tih a tarlang a ni.
10. i) Lungrukah min vei ve la tih hlaa Zikpui Pain, ‘Ka nghilh lo’ng khua rei chang mah se a tih chu hlim taka an lendun laia a ngaihawngin, ‘Ka hmangaih ber mai che, Valmawi’ tia hmangaih biahtu a lo hlan kha a ni.
- ii) Taivela hla atanga kan hmuh dan chuan Lal Isua a lo kal leh hun chuan ropuina nen a rawn kal tawh dawn avangin lei leh van hian an dawl zo dawn lo va. Chutih hunah chuan ring lote chu hlauvin an khur ang a, ringtute erawh chuan hlim takin Lal Isua chu an lo hmuak dawn a ni.
- iii) An va hlu em thilnung tinreng tih hla hian Vanram chu chatuana ral lo tur leh thihna awm tawh lohna hmun, ni tla seng lo ram, lawmna famkim channa hmun tur, hmun ralmuang, angelte nena Pathian fak hona hmun tur niin a sawi.
- iv) He hla phuahtu hi a ngaihawngten khaw dangah an pemsan daih mai a, a lungleng hawi vel chuan an pemna khua chu a thlir a, a inngaihtuah lungleng chuan a ngaihawng chuan rawn hre ve tawh pawhin a ring lo va, a lo ngaizawng der vel mai mai ni tein a ring rum rum a. Chuvangin ‘lem ang der thiam’ a ti ta mai niin a lang.

- v) Chunnemi tih hla hian chhungkuaa nu pawimawhzia a tarlang a. Nu tha leh fel awmna in chhung chu a nuamin chhungkua an hlim a. In chhung rorel engkim a dikan a fel a, fate an thlamuangin chhungkhat leh thenrual thate chenin an inah an tlangnel a, a thatna zar an zo thin niin a sawi.
11. Zoram Indopui Pahnihnaah hian nungcha humhalh duhtute leh ramchhuaka nungcha tihluma tirem thintute an indo va. Nungcha humhalh duhtute chu chak zawkin ramchhuaka nungcha tihlum thin tam takin ramvah simin an silai an tung a. Sa kap thei aiin a humhalhtu nih a ropui zawk tih mipuiin kan lo hre ta deuh deuh va. Ramngaw humhalh pawimawhzia pawh kan lo hre chiang ta deuh deuh va, pasaltha tam takin ramvah simin an silai an tung hial a ni.
12. Mahni nih ang ni pha lova inngaih tlat hi a pawl khawp mai. Chung mite chu mahni insit leh thil ti thei lovin an inngai tlat a, tling lo leh thiam lovin an inhre tlat bawk a, tih ve theih mai tur pawh tum chhin ngam lovin mi dang rawih phet an tum thin. Chu chuan an nihna dik tak hnuaiah a awmtir a, an tan khawvel hi a harsa lutuk a ni. Hei hi insitna tha lo a ni a, hrehawmna khura anmahni hnuk luttu a ni tiin Pu Darchhawna hian a sawi.
13. i) Mihringte hian kan awm dan leh kan thil tih dan hi hun nen kan sawi zawm fo va. Thil tha leh duhawm kan tih hun leh kan chung a thil tha lam thlen hun chu hun tha niin kan sawi a. Kan chung a thil tha lo lam thlen hun leh thilil tih loh atana tha zawk kan tih hun ang te kha hun tha lo niin kan ngai mai thin a ni.
- ii) Mahni chan tawk neih tum, kawng dik zawh si lote chuan neih tam an duh a, a kawng dik an zawh peih si loh avangin mi chanai laksak pawh an hreh lo va. Lehkha thiam duh siin a zir ber an peih leh si lo. Lal duh siin mite ngaihsan zawnga awm harsa an ti a, hausak duh hle siin hah hlek pawh an ngaithei leh si lo a ni.
- iii) Kan hringnunah hian beiseina neih hi a hlu hle mai a. Kan nunah harsatna leh buaina pawh lo awmin, kan hmalam kan panna kawngah pawh hlawhchham chang nei thin mah ila beiseina kan la neih chhung chuan hlawhtlinna kawng a lo awm zel a ni.
- iv) Nu lel pate hi fate zirtirtu tur kan ni a. Kan fate hi kan enkawlna leh kaihhruaina angin an rawn thang lian thin. Kan fate nun dan mawi leh mite zinga khawsak dan tur zirtirna kan pek that loh chuan nun dan an thiam lo va, mawi lo tak ten mite zingah an khawsa a, nu leh pate chak lohna mite hmuhah an pho lang thin a ni.
14. A chhangtuin a chhan danah a innghat ang.
15. A chhangtuin a duh angin a ziak ang.
16. A chhangtu chhan danah a innghat ang.

.....